

1001 MASALAH

ABU AL-MUKHTAR SEDIA MENJAWAB



Talaq bā'in kecil:

Talaq bā'in kecil ini pula ada dua macam:

- (i) Suami yang menggugurkan talak satu atau talak dua kepada isterinya dengan menerima wang tebusan ('iwad) dari pihak isterinya. Umpama sewaktu si suami menggugurkan talak satu atau talak dua kepada isterinya, ia ada menerima wang 'iwad sebanya - \$50/ (misalnya), maka si suami itu tidak boleh lagi rujuk kepada bekas isterinya itu – walaupun belum habis 'iddahnya – kecuali dengan melakukan perkahwinan (akad nikah) yang baru.

Jawab

- (ii) Begitu juga suami yang menggugurkan talak satu atau talak dua kepada isterinya yang belum diwātī (belum dicampurinya), maka si suami itu tidak boleh rujuk kembali kepada bekas isterinya itu, kecuali dengan melakukan perkahwinan (akad nikah) yang baru. Isteri yang diceraikan itu sedang dia belum dicampuri oleh suaminya, maka dia tidak ber'iddah sama sekali. Tegasnya dia boleh berkahwin dengan lelaki lain selepas dia diceraikan oleh suami yang belum mencampurinya itu. Hukum ini bersandar kepada firman Allah dalam Sūrah al-Ahzāb ayat (49):

(Yāayūhādhu'l-kāfiyātūnū idhārakatūmāl-mūmīnū
thumma tāllaqtumūhunna min qabl an tamassūhunna famā lakum 'alayhinna
min 'iddati ta'taddūnahā)).

Pertanyaan dari:

Puan Zaitun binti Abdullah,

Pekan Sari – Kampung Awah,

Temerloh – Pahang.

Saya harap tuan jelaskan perbezaan antara

"*talaq rajīt*" dengan "*talaq bā'in*" dan bahagian-bahagiannya

jika ada.

Talaq rajīt:

Talaq rajīt ialah talak yang membolehkan suami rujuk kepada bekas isterinya dengan tidak payah lagi melakukan perkahwinan (akad nikah) yang baru, dengan syarat isteri yang diceraikannya itu masih dalam 'iddah, iaitu talak satu dan talak dua yang tiada disertakan dengan wang 'iwad (tebusan) dari pihak isteri yang telah diceraikan itu.

Talaq bā'in:

Talaq bā'in ialah talak yang tidak membolehkan suami rujuk kepada bekas isterinya melainkan dengan melakukan perkahwinan (akad nikah) yang baru, seperti talak satu atau talak dua yang disertai dengan wang 'iwad (tebusan) dari pihak isteri. *Talaq bā'in* ini ini¹ terbahagi kepada dua bahagian:

1. *Talaq bā'in* kecil.
2. *Talaq bā'in* besar.

Ertinya: ((Wahai orang-orang yang beriman! Apabila

kamu mengahwini perempuan-perempuan yang beriman kamu ceraikan mereka sebelum mereka kamu

¹ Perkataan 'ini' diulang dua kali dalam teks Jawi.

1001 Masalah

sentuh (campuri), maka tiada perlu kamu memperhitungkan ‘iddahnya)).

Talaq bā’in besar:

Adapun *talaq bā’in besar* itu ialah talak tiga.

Seorang suami yang menggugurkan talak tiga kepada isterinya, ia tidak boleh rujuk kembali kepada bekas isterinya itu, dan tidak boleh lagi berkahwin semula dengannya, kecuali jika bekas isterinya itu telah berkahwin dengan lelaki yang lain serta telah mencampurinya (bersetubuh dengannya), kemudian dia diceraikan oleh suaminya yang kedua itu dan habis pula masa ‘iddahnya.

Dalam keadaan seperti ini – pada masa-masa yang akhirnya ini – banyak kejadian yang dinamakan oleh orang-orang kita ((kahwin cina buta)) yang sering dilakukan oleh suami isteri yang ((gila talak)) setelah mereka bercerai dengan talak tiga. Kahwin cina buta ini dilakukan ialah dengan tujuan untuk membolehkan antara suami isteri yang telah bercerai dengan talak tiga itu berkahwin semula.

Perkahwinan yang dilakukan secara (*muḥallil*) atau (ala cina buta) ini sangat dikutuki oleh Islam, meskipun perkahwinan cara tersebut diakui sah, jika sewaktu akad nikah tidak dilafazkan sebarang kata-kata merupakan sesuatu perjanjian yang tertentu.

Dirgahayu

Allah lanjutkan usia Duli

Yang Maha Mulia Seri Paduka Baginda
Yang di-Pertuan Agong dengan ucapan
setinggi-tinggi tahniah.

Daulat Tuanku!

Tetapi jika sewaktu akad nikah itu dilafazkan sesuatu perjanjian yang tertentu, seperti kata wali perempuan sewaktu akad nikah dilakukan:

((Aku kahwinkan engkau dengan anakku (fulanah binti fulan) dengan syarat, bila engkau sudah bersetubuh dengan dia, maka akan batallah perkahwinan ini, dan pada ketika itu juga hendaklah engkau gugurkan talak kepadanya.))

Lalu lelaki yang diijab kabulkan itu menerima perkahwinan yang mengandungi syarat tersebut, maka perkahwinan yang dilakukan dengan syarat yang tersebut di atas tidaklah diakui sah oleh syariat Islam.

Perkahwinan cara inilah yang dinamakan dalam bahasa

arab (*nikāh muḥallil*) atau dalam bahasa kita dinamakan perkahwinan (ala cina buta) yang sangat dikutuki oleh nabi Muhammad (S.A.W) dengan sabdanya yang berbunyi:

((*La ‘ana Allāh al-muḥallil wa al-muḥallala lahu*))

Ertinya: ((Allah melaknat *al-muḥallil* dan *al-muḥallala lahu*).*)

* (*Al-muḥallil*) – Orang yang menghalalkan; iaitu suami kedua yang menerima syarat.

(*Al-muḥallala lahu*) – Orang yang dihalalkan untuknya; iaitu suami pertama yang memberi syarat.

Talaq bid'ī:

Penjelasan:

Misal yang baru kita bentangkan di atas adalah merupakan perkahwinan (cina buta) yang tidak sah dilakukan serta dikutuki Allah. Tetapi kalau seorang lelaki mengahwini seorang wanita dengan niat dalam hati (bukan dengan lafaz di lidah), bila ia sudah bercampur (bersetubuh) dengan isteri yang baru dikahwininya ia akan menggugurkan talak ke atasnya dengan maksud supaya dia halal dikahwini semula oleh bekas suaminya yang telah bercerai talak tiga dengannya, tetapi ketika ia melakukan akad nikah tidak dilafazkannya syarat – yang ia akan menceraikan isterinya itu sesudah dicampurnya – di hadapan wali atau imam yang menikahkannya, maka sahlah nikahnya itu. Walaupun demikian ia tidaklah terlepas dari laksana Tuhan sebab ada niatnya untuk menjadi seorang *muhallil* itu.

Talaq sunnī dan bid'ī:

Selain dari dua talak – yang telah diterangkan di atas – iaitu ((*talaq rajī*)) dan ((*talaq bā'in*)) dan bahagiannya, maka ada dua jenis talak lagi yang perlu juga diketahui, iaitu:

1. *Talaq sunnī*
2. *Talaq bid'ī*

Talaq sunnī:

Menggugurkan *talaq sunnī* ini hukumnya halal; yakni diharuskan oleh syariat Islam dalam dua keadaan:

- (i) Menggugurkan talak ke atas isteri, ketika dia dalam keadaan suci (tidak datang bulan) serta belum dicampuri (disetubuhi).
- (ii) Menggugurkan talak ke atas isteri yang sedang hamil (mengandung) serta telah terang hamilnya.

Menggugurkan *talaq bid'ī* ini hukumnya haram;

yakni tidak disukai (sangat dibenci) oleh syariat Islam dalam dua keadaan juga:

- (i) Menggugurkan talak kepada isteri, ketika ia sedang dalam haid (datang bulan).
- (ii) Menggugurkan talak kepada isteri, ketika ia dalam keadaan suci sedang isteri itu sudah dicampurnya (disetubuhi). Hal ini khususnya kepada isteri yang sudah dicampuri.

Sekianlah dengan jawapan-jawapan yang tersebut di atas mudah-mudahan akan memuaskan hati pihak yang bertanya.

- Abu al-Mokhtar.

Silap

Ketua rombongan murid-murid perempuan Sekolah Agama Ijok yang telah melawat percetakan Qalam pada 14 haribulan April 1969 yang lalu ialah al-Ustādh Muhammad Amin, bukannya al-Ustādh Syahir bin Sulaiman sebagaimana telah kita siarkan itu. Di atas kekhilafan ini kami menuntut maaf kepada pihak yang berkenaan.

-Pengarang.

Silap

Di muka kulit majalah Qalam bilangan 223 keluaran bulan Mei 1969 kita tersilap mencetak tahun bagi bulan ((Safar 1388)) yang sebenarnya ialah ((Safar 1389)). Para pembaca sekalian diharap mengambil perhatian dan harap maaf.

-Pengarang.